

范忠宣公文集

六

范忠宣公文集卷第十一

記

安州白兆山寺經藏記

予自少喜為山水之游凡所至有名山勝槩雖遐險必造焉治平二年自侍御史責倅安陸安之西有金峯山山有古白兆僧寺時道入垂素為之長老而眾皆稱其名德寺有本朝列聖御書歲時郡遣從事檢校予到官纔數月遂自火以待至則愛其林泉幽茂出谷深邃周遊登覽而邀心於從焉惟法堂上木新詢之則素所營也予益嘉其必葺又至僧堂北隅有老屋若殿而小視其榜則經藏也素指謂予曰此雍熙中所建有龔御史石記在焉然地址隩僻蠹腐所滋

范忠宣公文集卷十一

游禮者或不能至將徙而置於大殿之西焚塏之地而新之予詢其期則曰釋子舉事待信施而集雖志於有成未可必其期也予和官去

紀謫守義陽

距安為近地僻少賓友思得素談一而聞其老益高介棄其寺而庵居罕與俗接予謾以書招之書未達而素已惠然見訪矣語道之暇因曰昔者欲徙之經藏今已成矣自治平三年冬十月經始至熙寧四年夏五月告畢計用檀施之財八十萬將刻石以記歲月願公為我書之予曰師嘗自謂傳達磨之宗不立語言文字直指心源見性成佛奚取五千之書而復新其藏為又以一切有為皆如夢幻已則忘之何月歲月名氏之記而求知於後人哉師曰不然夫



主靜明真心與佛齊等由情著於物故翳而為病佛
猶良醫知病之本皆稱其淺深緩急為藥以治之今
之經猶對病之藥也物之感情無窮故衆生之病無
窮則其所治之藥亦無窮此五千之書所以必有也
今之經藏猶藥之府也則其漙貯不得不嚴將以應
夫病者之求則亦藥之肆也其置設不得不顯此藏
之所以必從而新之也大凡前人有為必告後人以
為之之意則庶幾其守而不墜矣此記之所以必作
也予聞師之言愛其有理故為之書元豐元年冬十
有一月壬申記

薛氏樂安莊園亭記

蒲澤都也秦分為河東郡地沃人富自漢唐至今為

秦晉之都會固宜人物之多奇也薛氏為河東著姓

世有顯人皇朝樞密直學士樂安公以清德直道事
太宗及真宗皇帝門族尤盛令中大夫公即其弟幾
子也象賢繼世紹封五郡三領部使四典巨鎮高識
懿行為時名臣六十巧閑七十請老以三品歸第乃
於郡郭之東北披岡帶河擇爽塏之地遠城市之喧
築室以居焉因所封之郡名之曰樂安莊前啓重門
內曰含幽閉關却掃非幽人佳客履迹罕至南北分
為二園其西種杏數百中曰靜居內外重寢妍華芳
卉交植於庭踈竹蕭蕭壽石雪頂開軒對之各以為
名其北曰逸老堂乃公寄傲宴息之所也其東曰三
經堂以藏儒道釋氏之書公以寄懷於簡冊也其西

無堂公自以無欲無營又取夫莊生之言而名也東南構亭築址數仞中條太華列峙如屏其最近者有五老峯因名曰五老榭次東爲臺登覽曠迥清宵月明千里如畫名曰日月臺莊西北隅據垣乘高下列蔬圃時使老圃村童引水漑畦名曰瞻蔬臺積土踰尺周植美楸春花夏陰如幄如蓋名曰楸壇芳條雲布繁英玉坼垂架飄香深若洞戶名曰醱醱塢脩篁擁徑翠影蒙密新筠解籜嘉色如染名曰猗猗塢衆木交陰晝不見日清風自來好鳥時下名曰翠陰塢鑿井轉車以汲甘泉或沉浮瓜李揮弄冰雪或烹茶煮蔬飲設饴醴外設客舍庖廩庖庫殆將百楹其締構製作儉而適用潔而不華夏無蠅蚋之苦

無堂公集卷一

冬無風霰之患其服用皆陶器藜床褐裘葛衣伴君子有以取法小人無所可欲蓋盡得夫郊居之道或霽色澄明開軒極望或落花滿徑曳杖行吟或解榻留賓壺觴共醉或焚香啓閣圖書自娛消遙遂性不覺歲月之改而年壽之長也此其遊適之樂居處之安又稱其莊之名矣今士大夫或身老食貧而退無以居或門大第而勢不得歸自非厚積累之德鍾清閑之福安能享此樂哉愚將老矣固將倣公而退也以人事之難必姑識公之善處以自勉云公名侏字肅

王尊道先生講堂記

古之哲王一道德以同俗故自鄉黨至于國都皆設學校以教其人凡爲士者自少至長必處于學其所

學者惟先王之道則在乎先誠身修己而後有施於人故其仕而立乎人之朝也則用其所學以事其君而治其民故其君之所聞者皆先王之道德民之所服者皆先王之教化然後君得以為堯舜之君而民得以為堯舜之民矣自周衰秦漢而後學校養士之法既廢則士之所學不必誠身修己而各務肆其所為是以邪說怪行得以眩亂乎其間故仕於朝者非一道也致其君者非一術也施於民者無定法也其則至于國異政而家殊俗矣而欲致其時於堯舜三代不亦難哉今之為士而知斯者有矣患無位而不得言也有位而言者有矣患乎不能行也若其林野丘園之士能自奮勵篤信先王之道不待上之教化

思堂集

四

而推其所學以教導於閭里如古之所謂庠序者則見夫滑之昨城尊道先生焉先生讀聖人書窮之三十年五經之旨卓然自得不為諸儒傳注之所牽其言行淳質亦未嘗有縲於道故滑之學者多歸之先生乃為之講解俾識其所趨向又作室以延之而名曰講堂俯堂之北則其先君之墓也或者以為非絃誦之地先生曰吾聞立身揚名所以顯揚也吾孜孜於是道勉其身於君子之途者是使吾親為君子之親也顯孰大焉苟吾親有知聞吾朝夕講聖人之言於此顧不樂哉又况使鄉里之人瞻斯堂則知吾先君之墓則吾親之名蓋亦不朽矣先生以是言語予而欲記焉予昔先生之青衿也其言雖不足發明先

辭祭文行狀碑誌為上下二山以藏于家以傳于世蓋孝子繼志述事之一端矣蜀某名其焦而為之叙其以先君文正公有同榜之知天而知公行事為詳義不得辭請名其集曰完美因以公之大節而叙其說云

銘

布衾銘

藜藿之甘縑布之溫名教之樂德之尊求之孔易享之常安綺繡之奢膏粱之珍權之能之盛利欲之繁苦難其得危辱旋臻取易捨難去危就安至愚且知士寧不然顏樂單食萬世師模紂之瓊室死為獨夫君子以儉為德小人以侈喪軀然則斯衾之陋其可

忠宣集卷一

二

忽諸

鼎銘

河內之范文正之嗣以薦以享子也而勿墜

青詞

祈雨

天心仁愛遂羣物之常生神道聰明感至誠而善應下國方罹於耗斲真科曲示於祈禳敢瀝懇以求哀冀轉苗而為福伏念臣欽承君命仰領帥權爰當蒞職之初適偶荐饑之後盜賊盈穢饑享蔽塗賑發將竭於困倉疲瘵尚虞於溝壑近從初夏復遭亢陽田野焦枯公私窮蹙是斯牲之嚴愛豈靡神而不宗徒鑿君羊心未蒙嘉祐且之危懼自甚赫以疾賊虐之

楊嗟民命之近止叫闐無路踏地何容是用祗口琳
官虔遵寶錄降九天之真聖迺三界之靈神恭修材
獺之誠仰致潢汙之薦敢冀高穹恤心福上帝垂慈靈
為三日之霖滌此一方之沴不違物願成繫鴻私

刑獄

元功默定顧動植之難量大德好生諒祈禳之可格
既昧效官之術敢忘謝過之心伏念臣領郡再期長
入萬室慎罰固遵於國典用刑恐於物情或因繫
踰時或重輕失實或欺誣罔辨或苦不聞矧庶獄
之繁興豈斯民之多僻蓋在位之私風之舉故編氓
無遷善之由積痛憤於九幽貽凶出於一境敢伸精
禱庶格洪休是用怵奉僊儀嚴陳不供普所衆聖延

憲言集卷十

降上真伏願錫福庶民降康下土滋園扉之冤滯佐
比屋之熙淳更願帝化所陶不犯非長之禁民知遠
罪常無觸網之愚誓堅忠守之誠可答乾坤之造

禳謝

大道難名默運生成之化至神莫測可禍福之權
顧纖介之微軀沐堪輿之大賜敢心報謝用致忱誠
伏念臣幼服儒風早蒙道廢職免以打桑之苦身無飢
凍之憂親遇聖明官居繁要姻族日口不逢天橫之
菑仕宦四方常脫傾危之禍報國民聞於績效臨民
有愧於循良自知祿厚而才輕懼福盈而禍至是
用虔依秘範延降上真勉修持之誠恭備禱繫之
薦為敢望好生垂德福善敷恩保不分國之和平遂性

情之安逸行身迪吉爲道日新悉均動植之倫咸享
康寧之福願堅善行仰答鴻私

禳謝

大道難名默運生成之化至神莫測誕彰感應之方
是以聖賢益務於畏天材獯猶知於報本竊念臣生
居善族親遇明時由父訓以入官荷朝恩而尸祿罪
雖多而苟逃禍譴德靡積而濫享休寧豈愚分之能
招蓋陰隲之潛佑故敢恭修薄薦延降上真嚴醮席
於中宵遵玄科之往範罔揆幽微之品用伸禳謝之
誠伏願諸聖垂慈明靈洞鑒察丹衷之懇懇錫多福
之穰穰庶乎家族平康身心安泰長幼罔罹於菑害
公私常免於訟刑誓堅爲善之誠仰答難謀之造

禳謝

大道難名運真功於不宰至誠有感通神化以無方
敢稽金簡之明科延降玉虛之真聖恭修薄薦庶達
微誠伏念臣生遇明時幼聞義訓紹簪纓於仕族竊
台鼎之榮名修己安人既慚於成德代工理物固乏
於周才常虞祿厚以貽殃每懼器盈而致覆衰疲感
疾苦盡瘁而弗勝早曠興苗亦變調之無效徒欲報
君而竭節復嫌冒寵以妨賢進退惟艱憂思曷濟是
用虔遵寶錄恭啓蘭場祈元造之垂慈覲上靈之敷
佑庶俾道由天相輔聖化以無虧善克世傳守先猷
而不墜然後閨門舉族共臻安泰之祥蒲柳餘生早
遂退閑之福誓堅素守仰答鴻私

禳謝

洪造無私不而示化至神莫測諒有感而必通
虔遵金簡之儀仰叩璇穹之聽伏念臣幼承道蔭長
遇聖時荷恩眷於累朝叨顯榮於三事常念滿盈之
戒每希止足之心爰自去年得辭大政既免觸藩之
困幸逃覆餗之羞雖嘗遘於雷屯亦屢銷於禍釁用
舍偶完於素節退休將遂於本心豈愚慮之能周實
神靈之陰相是用懇伸丹懇歸命上真神度衰晚之
多艱猶覬保全於終吉更願身心康樂家國安寧子
孫蒙德慶之祥骨肉享安平之祉早遂引年之請以
蠲違道之愆俾於衰暮之齡錫以清閑之福臣竊不
服膺聖訓克意善經盡蒲柳之餘生答軋坤之大賜

忠宣集卷一

十

禳謝

洪造難謀降啓祥而在德至神莫測言福福以唯人
積行累功當效聖師之久禱識昏情蔽敢云愚慮之
無愆故僊經開禳謝之科禮典有報祈之祀罔揆系
榆之景輒修豺獮之儀仰叩高真歸依妙教伏念臣
生蒙道蔭品與最靈繼承慶善之門遭遇聖明之世
歷塵仕路兩玷宰司有位無能虛名過實既之致君
之略曾微及物之功矧復形憊而齒齒衰而耄及
或刑賞之失當或議論之過中流弊久長貽雷雷匹庶
自難知覺釁積纖微尚逃尸素之誅獲全進退之分
豈圖殘朽猶覬安全蓋君父之深恩亦神靈之密佑
敢不追循往各憾謝前行誓堅止足之心永絕貪私

之妄伏願上真降佑衆聖垂慈護持向善之誠開導
自新之路完戰兢之晚節保閑退之餘生更願家族
平康子孫孝謹永賴昇平之化不逢非橫之殃

禳謝

洪造難謀雖無私而示化至神莫測諒有感而必通
靡量微渺之誠輒覲高明之鑒竊念臣生逢聖世幼
習義方遭遇泰歷於四朝年齒將滿於六紀兩叨言
路十領郡符三總帥權五更使寄驟絲樞筦再陟宰
司或持生殺之權或操刑賞之柄輕重固多於差誤
施爲或爽於中和冒榮寵以踰涯積愆愆而旣久揣
分每驚於盈滿於身宜被於菑殃然竊身寵祿於近
藩保行藏於善退妻室危病旋獲痊安日祝昏蒙幸

愈宜集卷十

十一

無苦楚旣乏功行之能致莫原僥倖之曷從上由君
父之恩容陰賴神明之相佑是敢輒伸丹懇仰謝真
功伏望聖衆垂慈羣靈地貺更願乞骸遂志養疾如
期保家族之平康完桑榆之晚節誓師慈儉仰答生成

請死

物居過盛必有虧傾器忌滿盈理當顛覆矧無才德
宜取危言猶可自知難逃天鑒伏念臣生蒙道廣長
遇明時世習儒風存心必歸於仁義家傳聖訓立身
咸儆於詩書早承教於父兄晚叨榮於禁近再持宰
柄十領州麾今則感疾顛危垂年遲暮精神荒落手
足萎蕤舉必待人神將去體敢求延於鍾漏冀速返
於泉局伏望諸聖垂慈上靈降佑旦就區盤之清潔

藏之愚宣尼嘗曰丘禱父矣釋氏有云我向則消臣
謹當永結勝緣堅持正念期為慶瑞以福善人或有
光靈仰禪神化

疏

同天節功德疏

右臣伏以西方妙教寔資有道之因太上真文能益
無疆之筭方正陽之盛月乃誕聖之昌辰延梵衆於
精廬肅道流於淨館潔伊蒲之饌冀調禦之等慈誦
靈寶之篇宜虛空之來相集多祥於帝所符善祝於
封人竭螻蟻區區之誠但瞻禮於北闕祝神堯魏魏
之壽願於南山臣無任

於南山臣無任

三

同前

右臣伏以露囊紀節星電標祥當正陽用德之辰祈
上聖無疆之筭集法道之清衆誦具禁之真文天子
萬年願固岡陵之遐福封人三祝徒殫螻蟻之微誠

私忌疏文

右伏以奉先追遠敢忘如在之誠供佛營齋庶備薦
巖之福爰當諱日恭集妙因伏願慧日圓明智燈寂
照悟萬緣之非有了諸幻之無常不染一塵頓超十地

慈聖周祥道場疏

右伏以真遊遽邈奄及於暮周佛事致嚴恭崇於梵
果太皇太后德侔坤載世賴母儀爰當新穀之升始
及收神之旦聖孫孝享昭格於天心率土永懷咸均

攝慕仰資僊馭式仗勝緣

同前

右伏以僊蹤既邈奄及於周祥佛事載嚴用伸於永慕式薦在天之福罄輸率十之心恭惟尊號皇后定策兩朝參功十亂高名輝於圖史陰賜被於華夷爰當厭代之辰虔設淨方之供伏願夙憑覺慧超證真乘悟圓妙之勝因佑延鴻之寶祚

奉旨詣河濱西海祈福消菑道場疏

右伏以金輪正覺唯主善而降康王鏡高真每應誠而孚佑至誠所達有感必通若惟皇帝陛下德配乾坤恩霑動植擁百祥之大順錫五福于羣生以道承禧自天垂佑宜享襲配之言旌臻勿藥之休仗幽讚

志宣集卷十

十三

於勝緣增無疆之睿筭臣無任

神宗皇帝升遐功德疏

右伏以翠輦超升闕徽音於軒鼎普天追慕想粹表於堯禱爰憑心十號之慈仰薦三清之福大行皇帝伏願常居金地安住玉京陪五聖之真游佑羣生於法界

同前

右伏以乘雲厭代悲僊馭之難留率土摧心攀龍髯而莫及仗金僊之妙教資玉鏡之真游恭惟大行皇帝德配乾坤恩霑動植新一王之制度復萬里之士疆方丕顯於基圖俄遽遺於日劍華夷孺慕寰海震哀爰遵軋竺之文廣集芟藟之衆香花嚴供鍾梵交音仰憑出世之緣恭薦在天之果伏願道遙寶地

悟真乘塵沙界之羣生伏法界於億世

坤成節疏文

右伏以神光滿室共傳載育
疆之筭寶花零亂淨域莊嚴
之萬億太皇太后殿下伏願
月之恒爰照臨於四國擬天

法界之三千贊壽齡
朝奠枕南面垂衣如
運永覆冒於羣生

同前

右伏以星流玉宇六宮曾慶
共祈於難老旃檀顯質貝葉
望雲之法席伏願太皇太后
堅房闈燕居常範圍於天地
河臣無任

殊祥香散金田萬國
下松筠比茂金石同
書共貫永帶礪於山

坤成節開啓文

氣應金成當上秋之既望德
肅披西竺之文共獻南山之
道隆華渚應邁層沙享榮養
式臨誕節肇紀鴻名臣等志
梵宇仰祝壽齡所覬州至日
長地久續睿筭以無疆祗歎

坤正屬聖母之題期
恭惟太皇太后殿下
先朝翊丕圖於興運
同寅誠深報上虔趨
升擁珍祥而有永天
仁洞祈昭鑒

祭文

祭謝秘丞文

維治平二年歲次乙巳四月庚寅朔某日具位范某
謹遣人以清酌庶羞之奠致祭于亡友秘丞謝君師
宰之靈嗚呼師宰自天生德仁孝愷悌溫恭正直言
參典章動唯法則清靜寡私心如止水謙虛無我賢
不自恃年方及壯道已充已曾未設施疾以不起時
惟聖師獨喪顏子嗚呼哀哉識君之初君方齡龍駒
鳳雛神骨天成騰騫萬里誰測其程我之慕君聞
爲先君之厚我世舊以憐交深義合恩契綿聯情均
手足幾二十年君罷山陽我官東畿維舟相從浹日
燕嬉君病東還我憂憊憊執手相視忍涕而別孰謂
伊人於斯永訣嗚呼哀哉天之生君將澤蒸民君之
不幸寧止其身朋友勸哭善人悲辛嗚呼哀哉我從
兄喪歸葬洛師纏哀在塗銜命東馳音問不繼承計
後時哭不瞻柩祭不及尸爲我之恨終身孔悲千里
馳奠誠過乎辭君之神明鑒此不欺尚饗

祭韓魏公文

維熙寧八年歲次乙卯某月日具位范某謹以清酌
庶羞之奠致祭于故司徒侍中贈尚書令魏國韓公
之靈唯公量包宇宙誠貫金石伊呂兼材淵騫比德
降精星辰瑞我王國在茂業與元動信輝令而耿昔
仁祖夢卜公舌均軸志扶社稷誓心家族聖嗣勅與

一圖再續建萬世不拔之基爲四海元窮之福
下之至明則孰定計之神速若夫三紀弼亮兩朝顧
囑智周慮遠仁深義篤以名教爲己任俾多士之誠
服功蓋天下而冲退不居貴極公相而謙卑自牧聲
竹帛以難紀謹筆者吾之能錄薨于書錦贈典繁緝祠
于大丞盛美完足浹遺愛於華夷痛云亡於比屋昔
我先君志同體均出處竝命六偕絲綸金蘭之契雖
古罕倫矧伊不肖辱視猶子推輓保全教誨飲食間
一善則喜見顏色憫獲罪則憂形嘆喟滲骨淪肌恩
深莫計念初違離八年于茲移官鉅鹿瞻拜有涯中
途改轅志願復還守官之邈神蒐坐馳豈圖承訃畢
卅長辭驚呼沉痛不特以私爲朝廷惜與蒼生悲生

念宣集卷十一

二

不能奉教於朝夕沒不獲盡哀於窆蘭徒侑奠以空
言我公知乎不知嗚呼哀哉尚饗

與慶州官吏祭韓魏公文

年月日具位范某遣指使傅政謹以清酌庶羞之奠
致祭于魏國韓公之靈唯公道足以彰聖人之奧故
關盛衰而不倚德足以憲萬邦之重故感文武而竝
濟弼亮三朝之盛扶登二聖之隆朝廷治忽伊尹所
以自任邦國若否山甫所以儀圖翊成隆平坐致熙
洽哲謀肅文宜神理之助順昌熾壽臧固輿心之善
頌天不憖遺人將安仰薨謝之訃上深惻於淵衷褒
贈之音詔益進於寵數名固耀於青史祀已嶠於大
烝哀榮所加夷夏增欷隄斯邊氓早沐恩化

皇圖再續建萬世不拔之基爲四海不窮之福
下之至明則孰定計之神速若夫三紀弼亮兩朝
嚙智周慮遠仁深義篤以名教爲已任俾多士之誠
服功蓋天下而冲退不居貴極公相而謙卑自牧罄
竹帛以難紀詎筆舌之能錄薨于書錦贈典繁緝祠
于大烝盛美完足浹遺愛於華夷痛云亡於比屋昔
我先君志同體均出處竝命六偕絲綸金蘭之契雖
古罕倫矧伊不肖辱視猶子推輓保全教誨飲食聞
一善則喜見顏色憫獲罪則憂形嘆喟滲骨淪肌恩
深莫計念初違離八年于茲移官鉅鹿瞻拜有涯中
途改轍志願復違守官之邈神蒐坐馳豈圖承訃畢
廿長辭驚呼沉痛不特以私爲朝廷惜與蒼生悲生

不能奉教於朝夕沒不獲盡哀於窆蘭徒侑奠以空
言我公知乎不知嗚呼哀哉尚饗

與慶州官吏祭韓魏公文

年月日具位范某遣指使博政謹以清酌庶羞之奠
致祭于魏國韓公之靈唯公道足以窮聖人之奧故
關盛衰而不倚德足以憲萬邦之重故踐文武而遠
濟弼亮三朝之盛扶登二聖之隆朝廷治忽伊尹所
以自任邦國若否山甫所以儀圖翊成隆平豈致熙
洽哲謀肅艾宜神理之助順昌熾壽臧固與心之善
頌天不慙遺人將安仰薨謝之訃上深惻於崩之痛
增之音下詔益進於寵數名固耀於青史祀已

哀榮所加夷夏增欷維斯邊氓早沐恩化

曆西討科役繁興綏輯疲羸繫公是賴繼輟
責復將西撫之命厥後橫山用武狂寇竊發公持四
道之柄密授神筭鎮以山嶽之重遠臻安靖則唯茲
土受賜為尤凶問之來孰不揮涕其久被鈞播方茲
官守謹同吏民之情遠致薄奠報德匪稱致哀無窮
唯公英靈鑒此誠意尚饗

祭廟文

年月日時具位范某謹以清酌時果之奠祭于某神
其被認守土唯禮是循事神之意不敢不謹爰伸祗
肅躬謁祠下尚祈聰明俯垂鑒佑

熙寧八年乙卯歲二月余夕朔八日庚午具位謹遣
指使侍禁郭進以清酌之奠敢昭告于土地之神某
方茲蒞職宜新庶務廨宅弊陋將加繕完唯神相之
宜無後害不日告畢敢忘神休

修文正祠堂祭文

維熙寧八年歲次乙卯二月癸亥朔十日壬申嗣子
朝奉郎守尚書工部郎中直龍圖閣知慶州軍州兼
權發遣通遠軍路經略安撫使兼馬步軍都總管輕車
都尉賜紫金魚袋范某謹以清酌時果之奠敢昭告
于先考太師令公文正公之靈某蒙賴貽謀獲踐世
職瞻仰祠貌哀榮交心唯是塑繪弗工羣情未厭爰
加修繕以傳無窮髮鬢慈顏不任永慕尚饗

祭廟文

久不雨禾稼將槁是用竭誠于神以祈霽澤

慶陳未蒙嘉應大懼執事者不克蠲潔牲牢不肥
盛不精而神不顧享夙夜惴畏不皇寧居乃有日改
牲再禱于神唯神歆臨以施沛然之賜尚饗

祭終南太白湫文

比歲不雨被邊之民流離孝亡所不忍視今古友駢亢
復甚焦灼消禱屢望曾莫我助是用遠邀靈夜以祈
濡澤神既戾止遽獲嘉應早稼復蘇優渥霑足皆神
所賜敢不竭誠致不腆禮以謝神貺惟聰明正直尚
終沛施以庶乎有秋也尚饗

祭呂虞部文

熙寧八年六月日具位范某洎諸同僚謹以清酌
庶羞之奠致祭于故通判虞部呂君之靈嗚呼惟君

奮身經術潛心政事美績休聲聞於已試屈坐夙邊
民懷吏畏綱領安務與頽舉弊人方荐飢溝壑誰
君實具孜孜存養無視憂勞成疾以至於瘳瘁仁者
天理曷恃邦失賢佐孰不揮涕衣櫬東還川陸迢
一慟長別痛徹肝肺冤兮有知歆此薄酌

祭廟文

熙寧八年三月二十日具位謹遣隨行指使庫崇禧
以清酌庶羞之奠致祭于城隍土地之神某位職之
初禱宅是葺陰期收相有禱于神衆工經營逾月
畢土木無變庭堂一新祈獲此安居允神之賴
具以答靈休

送太白秋水祭文

熙寧八年五月二十四日具位謹以清酌庶羞
告于太白湫之神惟神宅紘南太白之奧出入
滄潭千里環慶邊壤比年旱亢守土者惕然遠
夕之靈以救枯槁神已賜之雨少有秋望不
敢復遣供奉官楊正奉神以歸神其鑒茲終
是祈

祭蔡資政文

元豐二年六月日具位謹以清酌庶羞之奠致祭于
資政諫議蔡公之靈嗚呼天生賢傑以翊昌時河嶽
鍾秀星辰孕奇唯公堂堂王佐之資少掇詞科出貢
侯幕才動羣公交章薦鷄歷職中外規模宏博按刑
南服繼禁方愆兇狡冒利俗弊刑煩公極其類息
人安畿甸置使公膺首選掌漕于西金穀以羨存

慶渭兵銳甲堅邊塞要地夷夏謳歡上新庶政注意
鼎司公則大用文武是毗憂勞積躬位以疾舜分臺
別都方優養頤天平不愍明哲其萎昔我先門學多
良士公實親與許以重器公於不肖眷囑為尤不鄙
喪零姻婭是求自我別公于今五年訊問稠重日覲
平痊喪訃忽承悲徹肺肝謫居千里哭奠莫前嗚呼
永訣抱恨終天

祭監押劉供奉文

年月日具位致祭于監押供奉劉君之靈惟靈勤儉
持躬廉謹率職忽焉壽終孰不哀惻矧我同僚涕泗
盈臆奠茲酒醴旅茲肴核覓兮來歎幽顯永隔嗚呼
哀哉

車雖小邦古亦建國門闕所設疏令似宣恭惟樓觀
之墮曷嘗吏民之望度材有素更制未遑方且日以
肇新在前期而除舊土木無變工徒用安有望於神
陰相厥事

祭張復禮提刑文

天生賢傑將翊昌辰聖運龍興多士雲臻侃侃張公
才識邁倫邑政殊尤超陞部使更典濟陰壘其治
按刑畿右察廉是職舉善如飢化女媧以德三戰忠勞
熙然美績盜發申郊戕民敗吏申無城兵比至驚惴
公來指蹤織厥兇類千里獲安繫公是賴予方左遷
始獲公遇推借維持危乃弗仆輶車所臨謳頌洋洋

祭韓國富公文

天宜報公昌熾壽臧胡奪民望而公云亡哲人之萎
孰不痛傷家有令子慶澤之長朝有令名後世之光
公亦何憾歎此一觴

嗚呼我公一代師臣始終名節玉潔金純策中大科
王佐之資八掌誥命朝夕論思慶曆西討師人財
北狄驕慢乘我之贖命公往使仗節專對折其姦謀
朔陲用人進貳樞筦謨謀宏遠權待交朔東藩是與
易帥青淄河北存飢流死日萬雅文相推乃鬼形鳥面
以齊公命羣吏築室止棲貸皆哺食如母憐兒

完飽而歸

仁祖命

濟寧議廷儲宗室是擇先皇繼新統天之

力功初不聞後益顯赫今上御極首膺注意以疾避
權還政居第上壽而終五福唯備國喪元老時頽秦
山天子震悼士民悲酸嗚呼哀哉先君文正識公於
微矧伊不肖復辱公知狂率抵罪屢貽嗟咨軫其顛
危憂見色詞既獲安全終莫瑕疵情約父兄恩竝山
丘公今歿矣誰復顧周既百身之莫贖諒畢世而難
醜嗚呼哀哉

祭河中宋司錄文

元豐七年十月十三日具位謹遣司戶參軍劉格以
清酌庶羞之奠昭告于故司錄宋君之靈嗚呼盛德
之門文風孔頌唯君克允世壽也奚齊而瞻言昊蒼俾予
心測奠以告違君其來格

忠宣集卷十一

七

祭謝大夫文 元豐七年祭謝師厚

嗚呼嗟予生之多興喪二子於濟南迫殃於巧閑
尚淚迹之盈襟奈何良朋之復失蓋知大道之難謀
枉孝子之嘉命俾勒誌于泉陰曾懇愛而莫獲愧才
薄而弗任叙賢業以直書之顯發於高深公有文以
自傳既鏗玉而鏘金奚他人之復仗國光耀于來今
念相親於疇昔辱洞照其誠心收蟠木以為器憐舊
物於遺簪端歲寒以見期寧燥濕而移音痛生死之
俄隔邈標韻之難尋昔郢人喪兮匠石廢斤子期亡
考伯牙絕琴今我存而公歿悵星孤而月沉指新阡
而一奠庶英魂之來歆

祈雪祭文 二首

爰自初冬時雪未降二麥虛枯槁之害庶民憂瘧疾
之疾刺史之政不能召致和氣是用蠲潔酒醴有禱
于神庶幾驅滌旱暵霽灑膏澤致民豐康繫神之賜
時雪久愆宿麥不茂是用有禱于神以乞甘澤既浹
日矣寂爾無應豈刺史之誠不能感通神明而禮或
不蠲而致然耶是用齋心潔醴再禱于神惟神聰明
宜垂昭鑒

祭程宗丞文 元豐八年祭程伯醇

天生賢傑必將濟時胡屯其位不俾設施復奪之壽
天豈徒爲伯醇之亡理益難推唯君之德顏氏庶幾
唯君之道孟軻無疵嘉言遠識後學所師進爲御史
言直身危退字畿民如母憐兒再謫筮庫恬窶安卑

皇室集卷一

伯冲孝養親顏怡怡或祿或薪或糗或餼惟憲聖上繼明
政推母儀選登俊賢以輔邦基君首德召捧詔伸眉
耿耿愛石心同商伊如何遘厲梁壞山石頹墜予不肖
辱君重知夷吾多罪鮑叔不疑君今歿矣吾道疇依
身靡窮邊素車莫馳遙陳遺奠寓哀以詞音容永隔
畢世長思嗚呼哀哉

祭母中散文 母清臣元豐八年十一月

南山峩峩八川蕩潏鄩杜之郊挺生人傑粲粲母公
靜深秀發徒步起家九卿是列澹然無營白首一節
謝事退居塵紛屏絕琴弈盡觴寄傲風月遽驚淪謝
吞聲悲嘯平昔故僚契義我稠結何以叙懷尊酒徒設
長夜冥冥音容永訣嗚呼哀哉

祭李運使太夫人文

倚歟夫人懿德如玉閨房之秀來嬪大族二子顯赫
養有榮祿千戶疏封是宜象服總帳俄垂風飄殘燭
悠悠素旌去此華屋獨有壺觴陳于歎曲嗚呼哀哉

祭閻朝議文

元豐八年十一月

唯公仁孝愷悌稟于天姿精金美玉內外無疵力學
登科甘貧樂卑教吏愛民如母憐兒出宰衛南警卒
將叛匹馬往喻式遏其亂後遷代城華防禦患河水
大至役夫奔散公卧堤上將死其難衆皆驚還死力
救捍屹然功成千里咨嘆將陵被水徙遠河濱部使
薦公往宰其民邑人遮留城門晝關三日不行夜道
之官其狀上聞命公復還兩邑爭公白挺盈野諭以

朝命哭不肯捨帝乃命公入佐大計非制之常以旌
循吏時宰不合公則外補更符四郡人歌召杜博陵
借冠久弊變俗忽若使者手披公牘鬼錄之毒四十
有六陰君召公典司其獄無疾而終河朔所傳以公
正直事或有然時方安民公則違世天不遺公來佐
聖治豈公不偶人斯歿瘁交親之分金石相期官
歸緇縠莫持千里一奠曷窮我悲公乎聞乎永世
長思嗚呼哀哉

祭司馬溫公文

維元祐元年歲次丙寅九月戊戌朔二十九日甲申
中大夫同知樞密院事上柱國范某謹以清酌庶羞
之奠致于故贈太師溫國公之靈嗚呼天胙有

得之元龜篤生我公爲世文師夷齊之清淵壽之德
子產之惠叔向之直人有其一足以成名公兼衆
乾乾不寧九流百定金匱石室鈞索沉隱裁其夫得
根柢治亂經綸皇極作爲文章有書秩秩皆主文求
望之肅然冬陽夏冰赴者爭先仁英兩朝煌煌厥聲
國有正人折姦于萌荏苒者木求直于繩我公盡道
君心則寧赫赫神考體貌有德公獻其可嚴嚴翼翼
言有未用不敢愛爵深衣幅巾歸休于洛公則休矣
四方顛顛君子野人泊于他邦聞風懷歸于父于兄
天施不齊或怨寒暑公獨何施四海一譽元豐之末
國有大事穆穆文母佑我聖嗣爰立作相媚于神人
我公在廷其重千鈞士賀于朝民歌于廬農慶于野

忠宣集卷二一

兵休於邊燠爾慄寒養其飢孱無瘠於肌無莠於田
培其本根枝葉則茂豈曰我作忘章唯舊於赫聖考
左右上帝休公于家實遺聖子卷耳思賢夙夜周京
不惑不疑成此太平公之去來人之戚嬉非人戚嬉
帝之從違豈人事耶天實爲之其不才辱公知深人
之相知貴相知心唯公我知洞達表裏采其所長謂
或可使申固義好丘山不移匪我則然公實取之泚
泚清洛獨樂之園嘉藥春敷脩竹夏寒清醴怡然我
招我從琅琅嘉言有銘在躬朝聽過實備位樞機入
與國論獲親風規六七年間爲益不貲私祈白首從
公以歸恩勞傷公所遺我庶幾去夏卒相王公
祠既誓言公以發而公之志不發走門入哭于室公

既大歸終天永遠不一見面人生有死如旦夜耳曾
子將沒知免而喜公身既脩公志既畢既壽令終無
一或失有如公者古今萬一我每念此紆心之悲猶
有鬼神實聞我辭嗚呼哀哉

祭太中大夫司馬公文

字伯康元祐二年正月

唯公純孝愷悌剛明篤實精金璞玉混然天質致身
三朝躋位九列終始無瑕險夷一節生于德族出逢
累聖考貴而賢季則文正嫡配令壽化行閨門執笏
垂魚多子與孫天下達尊公全其三洪範五福公則
能兼予謫安陸公來守邦見賢就善我心則降公不
鄙予定交忘年久要不忘婚姻有聯予官京師季相
當朝公處于鄉將赴季招予亦思公心焉怵怵相以

忠宣集卷十一

十一

疾薨公不克來予念公年羸不勝哀果聞訃音梁壤
山摧嗚呼哀哉相知以心世莫如公死生契闊喪事
弗躬天實爲之匪予負公既悲且恨終天莫窮嗚呼
哀哉

祭周朝散文

字敷夫元祐二年四月十七日

生之有死是唯朝暮百齡大期鮮或能度間有促延
孰識其故享非所且悲用難措嗚呼敦天生德則豐
孝友自少仁義積躬純懿之行鄉黨式宗錯綜之文
士服其工奮于清朝寔有成績所至必顯厥聞無數
領使一道寬不容惡俗方察察君獨綽綽衆嫉君異
居安我仁遂巡後時道遙道古只少尹西都監州朔方
有政有議不柔不剛仁宜有年德宜有位曾未耆耄

俄驚川逝越我士夫痛此凶鞠曰天佑善報斯不淑
矧伊涼薄義忝姻好稔君家行既久彌劬茲焉求訣
孰均予悼寫哀於辭一奠以告嗚呼哀哉

祭王中散文字不疑元祐年五月

唯公國士之秀相門之英行著温恭道唯古且清老益
色養外忘寵榮退就閑官冲淡無營善莫比凶逝川
莫俾仁者宜壽公享遐齡德必有位公登列卿積善
之報子孫繩繩在公無憾善人感咨矧其朋游涕泗
交頤絕絃有恨廢斤抱思祖奠弗躬葬緝靡持寓哀
以言公知不知嗚呼哀哉

祭正議大夫張昌言文元祐三年

唯公植德忠厚立心醇和積具奧學奮于賢科樂行

忠宣集卷一

十二

內實不求世名畏人我知聲恐過情奉身清約布衣
菲食及其臨義坦不少惜委已有餘以活故寒公之
所易人之所難氣夷色温若無不容及所留仁未嘗
苟同道行則進言違則退去就蕭然莫能留礙武濟
之論萬世所偉河朔之奏言萬復起仁者必壽古聖
謂宜公雖有年不究期頤士夫歎惜民吏嗟咨家父
征西公實從事忘年見親漸磨以義遽喪良朋捨斤
揮涕極不引端芝不親臨寓辭寫哀尚想徽音

祭康國韓公文元祐三年四月十三日

嗚呼我公篤生大家不以世次奮于詞並申科巍哉
聲名益夸遂躋臺閣論議寒寒亮實至寬仁剛健
憂國愛君發于至誠知無不為見於益乎一時建

或大或細或既設施或梗而止然其大體一本公忠
無有秋毫介私取容樞府兵柄幽贊幾密遂相天子
且瞻赫赫夷險百途我心惟一憎愛萬變以義始卒
尊重簡嚴陰消邪慝衣冠堂堂稱是柱石閨門烝烝
仁愛孝慈孰寡孰鰥我與均之推轂善人不愛其力
我任其咎無爾失職祿賜萬鍾人不譏富平生親交
予求予取燕語笑談孔樂無嚴賓客滿堂不知其尊
唯是不肖待以國士豈無知己厚孰公似我之蠢愚
中遭擯斥推抵屏卻誰嗟孰惻公獨拳拳隻手引溺
以其進退為己休戚守慶闕人薦我貶所我誠負公
不究任使歸來見公愧發於顏公獨存撫知我過前
延我室堂敦叙中外賢姊白髮命我使拜遺親棄舊

自昔匪今聞公之風實感人心昔老去世位非天子意
請不可奪三公就第公雖家居德義在人山嶽隱然
朝廷自尊具舟有司申伯信遇安車臨我握手出涕
謂宜百年黃髮齟齬人之云亡心之憂矣於穆文母
天子聖明兩宮來臨慟哭老成時喪則豐贈官則崇
姑慰我心不能還公歸葬有期屬我以銘不腆之文
敢不顯明一觴在前如聞玉音嗚呼亡矣有涕如瀉
尚饗

祭廣濟使君蔡承議文 阮祐三

唯君慶門之嗣清世之賢位不滿能沒於盛年天道
難知善人咨嘆人有所懷失則惘然沉於死生親舊
之間君少負才凌厲奮舉既將騫騰則復齟齬十年

之間進退相補謂宜耆壽身顯名坦切云何中道而
而亡願既違矣人既非矣懷資抱哭弗克施矣何道
以言寓余悲矣嗚呼哀哉

祭申國司空呂公文

元祐四年二月二十四日

嗚呼我公清淨寡欲足以革化鄙汙寬厚有容足以
消伏訛慝其默也能服物而不孚其簡也能治煩而
不惑嗚呼公能有餘於無為而他人不足於竭力也
羣言繁興辯者不給於口而公獨漠然而不唱大議
未定智者夙夜以思而公方安然而居息謂君後也
而常先疑若天也而皆得此四方視之少為表儀二
二聖倚之以為柱石也若其左右侍從繁勿發君之
謨與夫出入鎮守慈惠愛物之績於公之長曾不悲

念宣集卷十一

十四

尺也唯其左右王室宰制萬物內尊朝廷外撫夷狄
者庶幾究公之盛德也其中年流落白首秉國獲司
勤勞日奉顏色淡然其日親裕然而多益也其心之
所向意之所宅某既恃公之相知而公亦了身其賢
臆也嗚呼曷為少疾而莫救一卧而恭也昨日攝
於朝而今日哭於室也上公一品國公職也仁者必
壽七十嗇也嗚呼公乎小人之所望以華心而善人
之所恃以取直也老成云亡君子所戚也昔何臆而
存者惻也嗚呼啓國備禮天子之澤也嗚呼問史而
筆墨唯余心之哀曾是莫也也尚饗

祭陳龍圖文

紹聖元年七月

公材猷膏敏學術淵通榜竝龍虎光垂蜺虹

要路華外燁中所至可述名高實充宣力累朝服休
四紀臨劇而簡視難如易屢領使權十年近侍晚請
琳宮告歸故里昔我充貢已挹風規同年賜第茲拜
彤墀仕宦相望鮮合多離公居河橋我忝并帥假道
來之再陪高誼別未幾年訃音遽至我病辭位聞公
薄奠聊寫初終尚饗

拜掃祭文 考妣同

雨露既濡追遠增慕時享之禮敢忘虔恭謹陳薄奠
以伸拜掃

祭十九兄監簿文

雨露既濡對時興感薦享之禮敢忘虔恭謹陳薄奠
以伸拜掃

祭鮮于子駿文

嗚呼子駿居今之世志古之道白首好學耽玩易老
見於事業發爲文章治民則惠執義則彊柔亦不如
剛亦不吐邪則吾仇正則吾與予昔使蜀封部實鄰
聞其風聲愛慕其人同分西臺晚益相親茂林脩竹
美景良辰杯盤草具笑語天真通家之好徃事空陳
年將縱心乃補衮職拳拳朴忠侃侃正色病不克施
終古遺直告滿三月退卧淮陽凶訃遽來我心隕傷
歸于其丘實適吾鄉涕灑秋風醉此一觴

